

# Oapmahašdivššáriid veajuiduhttinkurssat

Kela lágida oapmahašdivššáriid veajuiduhttinkurssaid párrakursan sihke veajuiduhttinkursan, maidda oapmahašdivššár oassálastá okto. Párrakurssaide oassálastet oapmahašdivššár ja divššuvuloš rávesolmmošlagamuš ovttas. Veajuiduhttinkurssat, maidda oapmahašdivššár oassálastá okto, ollašuhthtojit muhtin muddui gáiddusveajuiduhttimin.



Kurssat leat dárkkuhuvvon badjel 18-jahkásaš oapmahašdivššáriidda, geat dikšot beaivválaččat rávesolmmošlagamučča, sierradárbonáná dahje -nuora. Oapmahašdikšuma dagahan noađđuluvvama dihtii áššehasa árgga doaimmain ceavzin dahje daidda oassálastin lea hedjonan dahje vára vuolde hedjonit. Oapmahašdivššáris leat váibama mearkkat dahje son lea váiban, ja dat áitet oapmahašdivššárin joatkima.

Kurssaid ulbmilin lea addit oapmahašdivššárii doarjaga ja doaibmanvugiid eallindili hálddašeapmái ja oapmahašdikšuma dagahan hástalusaid áddemii ja daiguin ceavzimii.

Stuorámus oassi kurssaid doaimmas dáhpáhuvvá joavkkuin ja kurssa prográmma mearrašuvvá oassálastiid individuálalaš ja joavkku oktasaš ulbmiliid mielde.

Kursaprográmma dievasmahtto dárbbu mielde ovttat olbmo bagadallamiin.

## Kurssain oaččot

- doarjaga eallindillái
- dieđuid ja konkrehtalaš rávvagiid árggas ceavzimii
- návccaid ja válmmašvuodaid oassálastit mánggabealagit sierra doaimmaide eallinbirrasis ja servodagas
- veardásašdoarjaga.

## Párrakurssa ollašuhttin

Veajuiduhttin ollašuhtto 15 mánotbaji áigge. Kursa lágiduvvo bálvalanbuvttadeaddji doaibmabáikkis golmma 5 jándora bajis. Lassin veajuiduhttin sisttisoallá ovddalgihtii oktavuodáváldima ovdal veajuiduhttima álgima ja čuovvunoktuodáváldima veajuiduhttima nogadettiin. Kursii sáhttá oassálastit maiddá rabas doaibma- vuogi mielde dehege johtit doppe ruovttus.

## Veajuiduhttin kurssa ollašuhttin

Veajuiduhttin lágiduvvo bálvalanbuvttadeaddji doaibmabáikkis ollašuhtton veajuiduhttima ja gáiddusveajuiduhttima (neahttaveajuiduhttin) ovttahttima bokte. Doaibmabáikkis ollašuhtton veajuiduhttin bistá oktiibuot 10 jándora ja dat lágiduvvo guovtte 5 jándora bajis. Bajiid gaskkas lea 12 vahku neahttaveajuiduhttin. Lassin veajuiduhttin sisttisoallá ovddalgihtii oktavuodáváldima ovdal veajuiduhttima álgima ja čuovvunoktuodáváldima veajuiduhttima nogadettiin. Veajuiduhttinbajiide, mat lágiduvvojit bálvalanbuvttadeaddji doaibmabáikkis, sáhttá maiddá oassálastit rabas doaibma- vuogi mielde dehege johtit doppe ruovttus.

## Veajuiduhttima ohcan

- Deavdde ohcanskovi KU 132sme fuolalaččat. Oaččot skovi čujuhusas [www.kela.fi/skovit](http://www.kela.fi/skovit). Merke ohcamuššii iežat sániiguin, manin dárbbášat veajuiduhttima ja iežat ulbmiliid veajuiduhttimii. Doaimmat ohcanskovi Kelai.
- Ohcamuša mielddusin it dárbbáš doaktárcealkámuša dahje earáge mildosiid.

Go ozat veajuiduhttin kursii, doaimmat veajuiduhttima álggedettiin bálvalanbuvttadeaddjái kopijja iežat dikšunmuitalusas, man don oaččot du dikšu dearvvasvuodafuolahusa ovttahtimas. Go ozat párrakursii, doaimmat dikšunmuitaluskopijja maiddá divššuvuloš lagamučča dearvvasvuodadilis.

Veajuiduhttin lea mávssuheapme ja dohko sáhttá ohcat birra jagi. Juos leat bargoeallimis, sáhtát oažžut veajuiduhttima áiggis veajuiduhttinruđa. Kela buhte maiddá veajuiduhttimis šaddan mátkegoluid.

Kurssat lágiduvvojit suomagillii ja tulkojuvvojit oassálastiid dárbbu mielde sierra sámegeleide.

---

Lassedieđut kurssas:  
[www.kela.fi/samegielagiid-veajuiduhttin](http://www.kela.fi/samegielagiid-veajuiduhttin)